

Quos tamen omnis consules factos scimus esse. § 52.

... exsecutus congestis nominibus plurimorum videtur mihi aliquid et ad consolandum Laterensem facere, ne diffidat reliquis honoribus post aedilitatis repulsam, quando 5 illi hac specie honoris non inpetrata provenerint tamen ad fastigium consulare.

Noli enim existimare non magnum quendam motum fuisse petitionis tuae, de qua ne aliquid iurares, destitisti.

10 Tacite quidem subiecit causam, quae Laterensi vel maxime obfuisse videatur, quod eum dicat aliquid noluisse iurare ac propterea inpugnatum, quo magis repulsam ferret. Existimamus igitur eum legem Iuliam significare, quam Caesar consul agrariam tulerat de <XX> viris cre-15 andis et per seditionem, quantum se habet fides historiae, et M. Bibulo servante de caelo. In hanc Laterensis vide-
turus iusiurandum suum dicere noluisse. ... tamen M. Tullius non expressit ipsam legis Iuliae mentionem, ne Caesaris animus laederetur.

20 An te illa argumenta duxerunt? 'Dubitabis', inquit, 'quin coitio facta sit, cum tribus plerasque cum Plotio tulerit Plancius?'

Ex parilitate congruentium suffragiorum nitebatur probare Laterensis conspirationem quandam fuisse, quando 25 et hic, qui reus est, et Plotius per easdem tribus designati sint. Respondetur a Tullio non esse mirandum, quippe cum designatio in duobus eandem habuerit aequalitatem suffragantium. Puncta enim hic non aliter quam in defensione Murenae suffragia significat. Et magis . . .